



*Jumat, 30 Juli 2021*  
**Ogen: Jesaya 55:8-9**



**Ikutken Perukuren Tuhan**



**K**ai kin si mbedaken manusia ras Dibata? **Manusia erbatas.** Erbatas geluhna, erbatas gegehna, erbatas perpanna, erbatas, kepentarena, erbatas pertunduh, erbatas kekelengenna, erbatas kesabarena ras sidebanna. **Dibata la erbatas,** IA si Mada Kuasa, IA lit nderbih, genduari seh ras lalap, kekelengenNa la ersibar, perukurena la terukuri manusia. Adi bage engkai maka sipaksaken lalap sura-suranta si jadi?

Nabi Jesaya, nuriken kerna ise kin Dibata e man bangsa Israel. I bas paksa si e bangsa Israel sangana ngalaken mbue perbeben geluh. Tupung sie, bangsa enda ibuang ku Babilon; i je ia itindas seh maka menam enggo bene pengarapenna. Jesaya selaku nabi Dibata mpegegehi bangsa enda alu mulihi nuriken ise kin Dibata e. Perukuren Dibata la bali ras perkuren manusia, dalam Dibata la seri ras dalam manusia. Bagi langit ndauh ganjangan asangkan doni bage me dauh ganjangan perkuren Dibata asangeken perkuren manusia. Jelas la terukuri manusia perkuren Dibata, jadi i tengah tengah perbeben si mberat (*berat*) teklah maka si mberat e banci ijadiken Dibata jadi *berkat*; kiniulin. Adi bage kai nari kebiaren, aminna pe sangana i bas perbeben si mberat, tetaplah gelem maka Dibata e erkuasa dengen pasti mereken si mehulina (*merancang yang terbaik*) man kerina anak-anakNa si patuh dengen erkemalangen man baNa. I tengah-tengah masa sulit pandemi covid -19 enda, mberat tuhu perbeben geluh; virus si enggo melala engkenai (njangkit) ku bas manusia, mberat i bas perekomian (tambah uang keluar, urak uang masuk), latih rukur (mbiar) ras sidebanna. Amin bage gia tetaplah ikutken perkuren Tuhan, erpengendes man baNa; alu pengarapen mehuli pagi jadina kerina. Kalak si erjimpuh i lebe-lebeNa, ngasup tedis i tengah-tengah perbeben.